

आकाशवाणी

खास—खास खबरां

सरकार नै अहमदाबाद च एयर इंडिया दा जहाज तबाह होने दे मामले च पड़ताल लेई इक उच्च स्तरी बहु—आयामी कमेटी दा गठन कीता ऐ।

डीजीसीए नै भारत च सब्बने बोइंग 787 जहाजें दी निगरानी करने दा आदेश दित्ता ऐ। ऐल्ले तोड़ी 8एं जहाजें दी जांच दा कम्म पूरा करी लैता गेआ ऐ।

प्रधानमंत्री नरेन्द्र मोदी होर कल साइप्रस, कनाडा ते क्रोएशिया दे 5एं दिनें दे दौरे लेई रवाना होंगन।

चुनां कमीशन नै बिहार च असेंबली दे ओंदे चुनाएं लेई मतदाताएं गी जागरूक करने ते स्वीप गतिविधिएं बारे पटना च सरकारी मीडिया यूनिटें कन्नै मीटिंग लाई ऐ।

ईरान नै इजराइल पर जवाबी हमले कीते न। जेरुशलक ते तेल अवीव पर मिसाइल हमले कीते गे न। ईरान नै परमाणु समझौते बारे अमरीका कन्नै गल्लबात करने थमां इंकार करी दित्ता ऐ।

क्रिकेट च विश्व टैस्ट चैंपियनशिप च दक्खन अफ्रीका नै आस्ट्रेलिया गी फाइनल मकाबले च हराई दित्ता ऐ।

<><><><><><>

Multi Disciplinary

सरकार नै अहमदाबाद च एया इंडिया दा एआई—171 जहाज तबाह हाने आले मामले दी जांच लेई इक उच्च स्तरी बहु—आयामी कमेटी दा गठन कीता ऐ। एह जहाज वीरवारें अहमदाबाद थमां लंदन जा करदा हा। सिविल हवाबाजी सरबन्धी मंत्रालय नै इक सोशल मीडिया पोस्ट च आखेआ ऐ जे एह कमेटी तैह मानक संचालन प्रक्रिया ते इस चाल्ली दी घटनाएं गी रोकने

मुत्तलक जारी दिशा निर्देशों का अध्ययन करोग। एह कमेटी भविष्य च इस चाल्ली दी घटनाएं कन्नै निबड़ने बारे व्यापक दिशा निर्देशों गी लेइयै सूझाह बी देग। तोआई जहाज दे हादसे का शकार होने दी वजहें गी लेइयै पड़ताल चला करदी ऐ। इस जांच च बख-बख अजेंसियां शामिल न। इस हादसे च घटोघट 254 जनें दी मौत होई गई ही। 241 यात्रा इस जहाज च सुआर हे। गृह राज्य मंत्री हर्ष संघवी होरें गांधी नगर च गुजरात फॉरेंसिक विज्ञान दे माहिरें कन्नै इक जायजा बैठक लाई ऐ। मंत्री होरें डीएनए दी जांच पक्रिया का बी जायजा लैता ऐ। मंत्री होरें समाचार माध्यमें कन्ने गल्लबात करदे होई आखेआ जे गुजरात च डीएनए का मेल करने दे कम्में च तेजी आन्नने लेई 36 फॉरेंसिक माहिर कम्म करा करदे न। उनें दस्सेआ जे इस टीम दी मदद करने लेई केन्द्र नै बी फॉरेंसिक माहिरें दी इक टीम भेजी ऐ।

<><><><><><>

Noida

सिविल हवाबाजी मंत्री के.राम मोहन नायडू होरें अज्ज जानकारी दित्ती ऐ जे सिविल हवाबाती सरबन्धी महानिदेशालय डीजीसीए ने 34 बोइंग 787 तहाजें दी निगरानी करने दे आदेश दित्ता ऐ। एह जहाज ऐल्ले भारतीय जहाज भेड़े च शामिल न। उनें आखेआ जे 8एं जहाजें दी जांच का कम्म तुरत पूरा करी लैता गेआ ऐ।

<><><><><><>

NIA Searches

राष्ट्री सतह पर जांच करने आली अजेंसी एनआईए नै अज्ज बंदिश शुदा संगठन हिज्ब-उल-तहरीर कन्नै सरबन्धत आतंकी साजश दे मामले च मध्य प्रदेश ते राजस्थान च नेके थाहरें पर तलाशी लैती। एनआईए नै इक ब्यानै च आखेआ जे हट ते औंदे मिंबरें दिएं गतिविधिएं दी जांच दे तैहत भोपाल च 3 ते झालावाड च दऊं थाहरें पर जलाशी लैती गई। तलाशी दरान एनआईए दिएं टीमें नेके डिजीटल डिवाइसें गी जब्त कीता। एनआईए नै एह मामला देस भरै च अराजकता फैलाने दी कोशश करा करदे बख-बख आतंकवादी ते कअरपंथी नेटवर्क ते संगठणें गी खत्म करने दे अपने प्रयासें तैहत दर्ज कीतीही, मामले दी जांच जारी ऐ।

<><><><><><>

PM-Visit

प्रधानमंत्री नरेन्द्र मोदी होर साइप्रस, कनाडा ते क्रोएशिया दे 5एं दिनें दे दौरे लेई कल खाना होंगन। साइप्रस दे राष्ट्रपति निकोस क्रिस्टोडौलिडेस हुंदे साददे पर प्रधानमंत्री होर कल साइप्रस दी सरकारी यात्रा पर जांगन। कुसै भारतीय प्रधानमंत्री दी दर्ज दहाकें च साइप्रस दा एह पैहला दौरा होग। यात्रा दे दुए गेड़ च श्री मोदी होर जी-7 शिखर सम्मेलन च शामिल होने आस्तै 16 जून गी कनाडा जांगन। एह दौरा कनाड दे प्रधानमंत्री मार्क कार्नी हुंदे साददे पर होआ करदा ऐ। यात्रा दे खीरले गेड़ च प्रधानमंत्री होर 18 जून गी क्रोएशिया दी सरकारी यात्रा पर जांगन। एह कुसै भारतीय प्रधानमंत्री दी क्रोएशिया दी पैहली यात्रा होग, जेहड़ी दपक्खी सरबंधें च महत्वै आला मील दा पत्थर साबत होग।

<><><><><><>

Bihar ECI

चुनां कमीशन दी इक टीम नै अज्ज पटना च सरकारी मीडिया इकाइएं कन्नै इक बैठक लाई ऐ। बिहार च ओंदे असेंबली चुनाएं गी लेइयै मतदाताएं गी जागरूक करने सरबंधी अभियानें ते स्वीप गतिविधिएं गी बढ़ावा देने लेई एह बैठक लोआई गई। चुनां कमीशन दे सचिव संतोष कुमार, सहायक निदेशक अपूर्व कुमार सिंह ते राज्य दे निर्वाचन विभाग दे अतिरिक्त सचिव माधव कुमार सिंह होरें अधिकारिं गी कमीशन आस्सेआ शुरू कीते गेदे 23 नमें चुनां सुधारें बारे जानकारी दित्ती।

<><><><><><>

Axiom-4

भारतीय अंतरिक्ष अनुसंधान संगठन इसरो नै जंदे रोज एलान कीता जे भारतीय अंतरिक्ष यानि शुभांशु शुक्ला ते 3 होर दुएं गी लेइयै अंतर्राष्ट्रीय अंतरिक्ष स्टेशन लेई मते चिरे थमां बलगेआ जा करदा एक्सओम-4 कमर्शियल मिशन हुन औंदी 19 जून गी लांच होग। विज्ञान प्रौद्योगिकी ते अंतरिक्ष राज्य मंत्री डॉ. जितेन्द्र सिंह होरें सोशल मीडिया पोस्ट राएं नमीं तरीक दी जानकारी दित्ती। डॉ. सिंह होरें दस्सेआ जे एक्सओम अंतरिक्ष मिशन गी कैनेडी स्पेस सेंटर थमां लांच कीता जाना हा पर किश तकनीकी खराबिं करियै इसी अगड़ा पाना पेआ ऐ।

<><><><><><>

Jadhav Yoga

आयूष मंत्री प्रताप राव जाधव होरें आखेआ जे योग सरबंधी दुनिया दी भलाई बेहतरी बक्खी भारत दी मंशा गी दस्सेआ ऐ। अज्ज नमीं दिल्ली च वैश्विक शिखर सम्मेलन योग कनेक्ट गी संबोधत करदे होई श्री जाधव होरें आखेआ जे मजूदा समें च मानवता पूरी दुनिया च नेके चुनौतिएं दा सामना करा करदी ऐ, नेह् हालात च योग भारत पास्सेआ विश्व शांति लेई पूरे संसार गी इक तोहा ते विरासत ऐ। मंत्री होरें गलाया धर्म, लिंग ते भाषा दिएं सरहदे थमां परे ऐ ते योग बच्चे थमां लेइयै बुर्जुग ते अमीर-गरीब सब्बने लेई सुलभ ऐ। श्री लाधव होरें इक सरकारी सर्वे दा हवाला दिंदे होई आखेआ जे पिछले इक दहाके च 33 प्रतिशत लोकें अंतर्राष्ट्रीय योग दिवस च हिस्सा लैता ऐ।

<><><><><><>

Iran-Israel

ईरान ते इजराइल नै अपनी लम्मे समें थमां चलदी आवा करदी दुश्मनी गी होर बधांदे होई इक दुए पर बड्डे मिसाइल हमले कीते न। एह लड़ाई शुक्रवारें बडलै मती भखी पेई ही जिसलै इजराइल नै ईरान दे परमाणु ते फौजी ठकाने पर हमले करी दित्ते हे। अधिकारिण इसी अजें तोड़ी दा सब्बने कोला बड्डा हमला करार दित्ता। जवाब च ईरान नै तेल अवीव पर केई मिसाइल हमले कीते, उन्ने इसी हैरान करी देने आला हवाई हमला करार दित्ता। तेल अवीव ते जेरुशलम समेत इजराइल दे मुख्य शैहरें च साइरन बजने दी बुआज औन लगी पेइयां। ईरान दे हमले च इजराइल च त्रऊं जनें दी मौत होई गई ह ीते दर्लना बद्धे लोक घायल होइ गे न। जदके संयुक्त राश्र च ईरान दे राजदूत मूजब इजराइल आस्सेआ ईरान च कीते गेदे हमले च 78एं जनें दी मौत होई गई ऐ ते 320 कोला मते लोक जख्मी होई गे न। अमरीका दे राश्रपति डोनाल्ड ट्रंप होरें संकेत दित्ता ऐ जे तेहरान गी अपने परमाणु प्रोग्राम बारे समझौता करियै अपनी बम्बबारी रोकनी चाहिदी ऐ।

<><><><><><>

Iran-US

ईरान नै परमाणु मुद्दे बारे अमरीका ते तेहरान बश्कार गल्लबात गिमां इंकार करी दित्ता ऐ। ईरान दा आखना ऐ जे इजराइल आस्सेआ सब्बने कोला बड्डा फौजी हमला करने मगरा तेहरान दे परमाणु प्रोग्राम गी लेइयै अमरीका कन्ने गल्लबात करने दा कोई मतलब नेई ऐ। मीडिया रिपोर्टें मताबक ईरान दे विदेश मंत्रालय दे प्रवक्ता इस्माईल बाघेई नै आखेआ ऐ जे

परमाणु पुरमाणु मुद्दे पर गल्लबात ते इजराइल आस्सेआ ईरान गी नशाना बनाने दी इजाजत इक्कै समें च नेई दित्ती जाई सकदी।

<><><><><><>

EAM

विदेश मंत्रालय नै आखेआ ऐ जे ईरान च भारतीय नागरिक ते भारतीय मूल दे लोक जिनें गी मदद दी लोड़ ऐ, ओह ईरान च भारतीय राजदूती दफ्तर कन्ने अमरजेंसी नंबरें पर संपर्क करी सकदे न। एह मोबाइल नंबर नः—989128109115 ते 989128109109 ।

<><><><><><>

US-Marines

अमरीका च संघीय ईमारत दी हिफाजत लेई जॉस एंजलिस च तकरीबन 200 अमरीकी नौसेनिकें गी तैनात कीता गोआ ऐ। फौज नै आखेआ ऐ जे शैहरा च अप्रवासन सरबन्धी छापे मगरा होए दे विरोध प्रदर्शनें करी इआं कीता गोआ ऐ।

<><><><><><>

Kailash Mansarovar Yatra

कैलाश मानसरोवर यात्रा गी जाने आले श्रद्धालुएं दा पैहला जत्था कल गंकटोक पुज्जी जाग। सिक्किम दी सरकार नै उंदा सुआगत करने लेई सब्बै इंतजाम कीते दे न। कैलाश मानसरोवर यात्रा 5 एं बरें दे वक्फे मगरा इस म्हीने दी 20 तरीक गी शुरू होआ करदी ऐ। सैलसफा ते सिविल हवाबाजी सरबन्धी मैहकमे दे अतिरिक्त मुख्ख सचिव सी.एस.राओ होरें आकाशवाणी दे संवाददाता नै गल्लबात करदे होई आखेआ जे पैहले जत्थे च सरकारी अधिकारिणें समेत 35 यात्रु शामिल न। मुख्खमंत्री प्रेम सिंह तमाग होर इस म्हीने दी 20 तरीक गी नाथूला च इस यात्रा गी झंडी दस्सियै शुरू करांगन।

<><><><><><>

World Donar Day

विश्व रक्तदाता दिवस दे मौके पर भारतीय रैड क्रॉस सोसायटी आईआरसीएस कटुआ नै मकामी सरकारी मैडिकल कालेज दे ब्लड ट्रान्सफ्यूजन विभाग दे सैहयोग कन्ने रक्तदान शिविर

दा सरिस्ता कीता, जेह्दा उदघाटन कटुआ दे एडीसी विश्वजीत सिंह होरें कीता। इस कैप च लोकें बधी चढ़ियै हिस्सा लैता ते बक्ख-बक्ख उमर दे स्वयंसेविण आस्सेआ 40 युनिट शा बद्ध रक्तदान कीता गेआ। इस्सै चाल्ली सरकारी डिग्री कालेज किश्तवाड़ दी एपसीसी इकाई नै मकामी जिला अस्पतान दे सैहयोग कन्ने रक्तदाता दिवस दे मौके पर कालेज परिसर च रक्तदान कैप दा कामयाबी कन्ने सरिस्ता कीता गेआ।

<><><><><><>

LG-Syed Ali

उपराज्यपाल मनोज सिन्हा होरें अनंतनाग दे बसनीक शहीद सैयद आदिल हुसैन दे घरे दा दौरा लाया। ध्यानजोग ऐ जे सैयद आदिल हुसैन नै 22 अप्रैल गी पहलगाम च आतंकवादिण दिण गोलिण थमां सैलानिण दी हिफाजत करदे होई अपनी जिंदु दा बलिदान देई दित्ता हा। उपराज्यपाल होरें शहीद दे परोआर आलें कन्ने मलाटी लाइयै उंदी घरै आली गुलनाज अख्तर गी हमदर्दी दी बिनाह पर नियुक्ति पत्र सौंपेआ। श्री सिन्हा होरें गलाया जे 22 अप्रैल गी पहलगाम च सैलानिण दी रक्षा करदे होई अपनी जिंदु दा बलिदान देने आले आदिल दी दलेरी पर पूरे देसै गी मान ऐ। उनें आखेआ जे शहीद आदिल दी घरे आली गी सरकारी नौकरी देना साढ़ी गैहरी कृतज्ञता दी नशानी ऐ।

<><><><><><>

WTC

दक्खन अफ्रीका नै 27एं बरे च पैहली बारी आईसीसी दा खिताब जित्तेआ ऐ। लंदन दे लार्डस क्रिकेट मैदान च विश्व टैस्ट चैंपियनशिप च दक्खन अफ्रीका नै आस्ट्रेलिया गी 5एं विकटें कन्ने हराई दित्ता ऐ।

<><><><><><>